

---

## Fit Félag iðn og tæknigreina – Klipp Félag hársnyrtisveina

KLIPP  
Félag hársnyrtisveina



---

Félag hársnyrtisveina og Félag iðn- og tæknigreina

### **Kæru félagar!**

Hlutverk stéttarféлага í samfélagi nútímans hefur um margt breyst frá því sem áður var og gegna þau nú í auknum mæli þjónustu-hlutverki samhliða því að vera málsvari og baráttutæki launafólks. Þróun samfélagsins hefur verið hröð undanfarin ár og hafa stéttarfélög lagað sig að breyttri samfélagsmynd með margvíslegum hætti eða allt frá því að auka samstarf sín á milli yfir í að sameinast og mynda stærri einingar.

Stjórnir Félags hársnyrtisveina og Félags iðn- og tæknigreina ákváðu fyrir nokkru að hefja viðræður um sameiningu félaganna.

Tilgangurinn með sameiningunni er að finna leiðir til að auka þjónustustig félaganna og bæta kjör og menntun félagsmanna. Markmiðið er að búa til heildstætt félag sem hefur styrk til að mæta væntingum félagsmanna sinna til framtíðar.

### **Sameining Félags hársnyrtisveina og FIT**

Á stjórnarfundum Félags hársnyrtisveina þann 19. mars s.l. var samþykkt tillaga um að hefja viðræður um sameiningu félagsins við FIT. Á stjórnarfundum FIT þann 22. september var samþykkt að fara í sameiningu og bera undir félagsfund félagsins samkvæmt 26 grein í lögum félagsins. Í samræmi við 27. gr. laga Félags hársnyrtisveina verður haldin félagsundur um málefnið þann 8. nóvember. Í framhaldinu verður rafræn atkvæðagreiðsla sem mun standa yfir frá 9.-16. nóvember. Verði sameining samþykkt tekur hún gildi 1. desember 2021.

Lilja Kristbjörg Sæmundsdóttir, formaður Félags hársnyrtisveina  
Hilmar Harðarson, formaður Félags iðn- og tæknigreina

---



## Öflugt félag til framtíðar

Skipulag félagsins byggir á því að lýðræði innan þess sé tryggt og að sem flestir félagsmenn í starfsgreinum og landsvæðum verði virkir í félagsstarfinu. Félagið verður opinn vettvangur fyrir félagsmenn til að koma málefnum á framfæri og leggja baráttunni fyrir bættum kjörum og félagslegu réttlæti lið. Heimasíðan og nýjasta samskiptatækni verður m.a. nýtt til að tryggja þetta.

Félagið verður aðili að Húsi fagfélaganna, Samiðn og ASÍ og mun taka fullan þátt í starfi sambandanna. Lögð er áhersla á að Samiðn verði áfram til sem sterkt og öflugt samband fyrir félög í iðn- og tæknigreinum.

**Aðalfundur** verður æðsta vald félagsins og þar verður kosið til trúnaðarstarfa. Öllum fullgildum félagsmönnum verður heimilt að bjóða sig fram í einstök embætti.

Á aðalfundi verður auk þess fjallað um lög, reglugerðir, starfshætti og fjármál félagsins.

**Trúnaðarráð** verður skipað 41 aðalmönnum og 41 varamönnum ef af sameiningu verður. Félag hársnyrtisveina fengi fjóra fulltrúa og fjóra til vara. Kjörtímabil verður tvö ár og kosið um helming ráðsins árlega á aðalfundi félagsins. Auk þess munu allir trúnaðarmenn félagsins á vinnustöðum eiga sæti í trúnaðarráði. Trúnaðarráð auk stjórnar verður samninganefnd félagsins.

**Stjórn** félagsins verður skipuð fjórtán aðalmönnum auk fimm varamanna. Varamenn í stjórn eru boðaðir á stjórnarfundum og hafa þar málfrelsi og tillögurétt.

Stjórnarmenn verða kosnir til tveggja ára í senn. Kosningu verður skipt milli ára þannig að annað árið verður kosinn formaður, sex meðstjórnendur og tveir varamenn og hitt árið sjö meðstjórnendur og þrjú varamenn.

---

---


Stjórn félagsins ber ábyrgð á öllum rekstri og starfi innan félagsins en gert er ráð fyrir að hún geti falið öðrum framkvæmd ýmissa mála.

Aðalstjórn félagsins verður jafnframt stjórn sjúkrasjóðs.

**Félagar** geta þeir orðið sem starfa í eftirtöldum iðngreinum: bygginga- og mannvirkjagerð, farartækja- og flutningsgreinum, hönnun, listum, handverki, snyrtifræði, tækniteiknun, hársnyrti, málm- og véltæknigreinum, vélstjórn, þjónustugreinum og náttúrunýtingu. Auk þess nemar í áðurtöldum greinum.

Verði sameiningin samþykkt öðlast félagsmenn í FTT fullan rétt til samræmis við félag í FIT miðað við 1. desember 2021 að telja.

Ekki er gert ráð fyrir breytingum í lífeyrissjóðsmálum.



### Faggreinafundir og fræðslumiðstöðvar

Við sameiningu félaganna munu hársnyrtar hljóta aðild að lönni fræðslusetri að fræðslumálum. Faggreinafundir verða mikilvægur þáttur í starfseminni. Þó kjaramál falli að mestu leyti undir stjórn og samninganefnd / trúnaðarráð félagsins þykir nauðsynlegt að skapa vettvang þar sem einstakar faggreinar innan félagsins geta rætt þann hluta kjaramála sem er sértækur fyrir viðkomandi faggrein en einnig er þar vettvangur umræðna um menntamál og önnur sérmál.

### Meginmarkmið

Helstu markmið félagsins verða:

- Að gæta hagsmuna félagsmanna í kjara- og réttinda-málum.
- Að vera öflugt fagfélag sem er stefnumótandi í mennta-málum og gæta hagsmuna félagsmanna á sviði mennta-og fagmála.
- Að vera öflugur bakhjarl félagsmanna með öflugum tryggingasjóðum



- 
- Að veita félagsmönnum fyrirmyndar þjónustu og vera öflugt í upplýsingagjöf til þeirra
  - Að kynna starfsgreinar félagsmanna þannig að þær verði effirsóknarverður starfsvettvangur.
  - Að vera opinn vettvangur félagsmannsins til að hafa áhrif á faglega stöðu sína, kjör og réttindi.



### Á traustum grunni

Félagsmenn þeirra félaga sem standa að sameiningunni eru um 5400 og eignir félaganna rúmar 1.900 milljónir króna ef miðað er við síðustu áramót. Félagsgjaldið er 0,8% af heildarlaunum. Stjórn ákveður hámarksíðgjald hverju sinni og er það kr. 95.000 árið 2021.



### Markviss þjónusta


Þjónustupátturinn er einn megin ávinningur sameiningarinnar í því markmiði að sinna félagsmönnum, trúnaðarmönnum, nefndar-mönnum og öðrum hagsmunaaðilum með markvissum hætti. Þeir hafi greiðan aðgang að upplýsingum og sérfræðiþjónustu þar sem þeir fá skjóta úrlausn sinna mála. Þetta markmið nær yfir alla starfsemi félagsins hvort sem það tengist félagslegu eða faglegu starfi þess. Félagið verður með aðalskrifstofu í Reykjavík í húsi fagfélaganna Stórhöfða 31 auk þess eru einnig skrifstofur á Akranesi, Selfossi, Vestmannaeyjum og Reykjanesbæ en þar er einnig rekin mælingastofa fyrir trúnaðarmönnum á vegum félagsins. Áfram yrði rekin mælingastofa trúnaðarmanna í Reykjavík.

Félagið mun vinna að því að trúnaðarmenn verði starfandi á öllum vinnustöðum með tíu manns eða fleiri og á sem flestum með 5-10

---

---

manns. Félagið mun kappkosta að koma upp tengslaneti á vinnustöðum þar sem ekki eru trúnaðarmenn.



## Sterkir sjóðir

**Sjúkrasjóður** félagsins hefur það meginverkefni að tryggja afkomu sjóðsfélaga ef veikindi eða slys ber að höndum. Það verður gert með tekjutengdum greiðslum, 90% af meðaltali þeirra heildarlauna sem iðgjald hefur verið greitt af á síðustu sex mánuðum í allt að 120 daga, sem hefjast þegar veikindarétti hjá launagreiðanda lýkur og þar til sjóðsfélagi verður vinnufær að nýju eða hefur kost á bráðabirgðaörorku frá lífeyrissjóði. Auk þessa getur sjóðsfélagi á sama tíma, sótt dagpeninga til Tryggingastofnunar u.þ.b. 30 þús. krónur á mánuði.

Einnig styrkir sjóðurinn sjóðsfélaga ef um langvarandi veikindi maka eða barna er að ræða sem leitt hafa til tekjumissis sjóðsfélaga.

Sjóðurinn mun taka þátt í fyrirbyggjandi meðferðum á fjölbreyttan hátt og er félagsmönnum veitt ráðgjöf um úrræði ef veikindi eða slys verða. Verður það gert með upplýsingagjöf til sjóðsfélaga og lögfræðilegri aðstoð þar sem hún á við.

## Vinnudeilusjóður

Öflugur vinnudeilusjóður er nauðsynlegt hjálpartæki til að ná sem bestum árangri í kjaraviðræðum. Hlutverk sjóðsins verður að tryggja félagsmönnum framfærslu ef til vinnudeilu kemur. Verulegir fjármunir liggja í þeim sjóði nú þegar.

## Orlofssjóður

Félögin bjóða í dag upp á 34 orlofsvalkost og þar af fjölda orlofshúsa með heitum pottum eða gufubaði. Þá hefur verið keypt 6 herbergja íbúð í Orlando á Flórída. Ýmsir aðrir kostir eru í boði yfir sumartímamann t.d. niðurgreitt veiði- og útilegukort, tjaldvagnar og utanlandsferðir á sérkjörum í samstarfi við ferðaskrifstofur. Áfram verður unnið að uppbyggingu orlofsvalkosta félagsmanna bæði hér á landi og erlendis.

---



KLIPP

Félag hársnyrtisveina

### **Nánari upplýsingar**

Félag hársnyrtisveina

Stórhöfða 29, 110 Reykjavík

sími 5880806 – netfang fhs@klipp.is

**<http://klipp.is>**

Félag iðn- og tæknigreina

Stórhöfða 31, 110 Reykjavík

sími 5400100 – netfang fit@fit.is

**[www.fit.is](http://www.fit.is)**

---